



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-2-40-425-6/22**
Datum: **16.11. 2022.godine**

Agencija za vodno područje rijeke Save" Sarajevo rješavajući po zahtjevu JP „Šumsko privrednog društva Zeničko-dobojskog kantona" d.o.o. Zavidovići u postupku izdavanja vodne saglasnosti za aktivnost kontrolisane sječe i krčenja šume na prostoru zaštitnih zona izvorišta „Mahmutovića rijeka i rijeka Misoča" na teritoriji općina: Breza, Vareš i Ilijaš, na osnovu člana 139. stav (1) tačka 10., a u vezi sa članom 114. Zakona o vodama („Službene novine Federacije BiH", broj 70/06) i članova 200. stav (1) Zakona o upravnom postupku („Službene novine Federacije BiH", broj 2/98, 49/99 i 61/22) donosi

R J E Š E N J E **o vodnoj saglasnosti**

1. Podnosiocu zahtjeva, JP „Šumsko privrednom društvu Zeničko-dobojskog kantona" d.o.o. Zavidovići, daje se vodna saglasnost za aktivnost kontrolisane sječe i krčenja šume koji se trebaju provoditi prema tehnologiji izvođenja radova datoj u tehničkoj dokumentaciji:
 - Elabarat za vodnu saglasnost za aktivnosti kontrolisane sječe i krčenja šume na prostoru zaštitnih zona izvorišta Mahmutovića rijeka i vodozahvata Misoča, općina Breza, Vareš i Ilijaš, Zavod za vodoprivredu d.d. Sarajevo, juli 2022. godine, (u daljem tekstu Elabarat),
2. Ovu vodnu saglasnost podnosilac zahtjeva može koristiti samo u postupku pribavljanja dozvole za sticanje prava na aktivnosti kontrolisane sječe i krčenja šume na predmetnom lokalitetu, od strane drugog nadležnog oragana u skladu sa važećom legislativom i provedbenim propisima iz oblasti šumarstva.
3. Vodna saglasnost se daje pod slijedećim uslovima:
 - 3.1. Da se opisane aktivnosti i zahvati u prostoru izvrše u skladu sa priloženom projektnom dokumentacijom: Elabarat za vodnu saglasnost za aktivnosti kontrolisane sječe i krčenja šume na prostoru zaštitnih zona izvorišta Mahmutovića rijeka i vodozahvata Misoča, općina Breza, Vareš i Ilijaš, Zavod za vodoprivredu d.d. Sarajevo, juli 2022. godine.
 - 3.2. Da korisnik ove vodne saglasnosti prije početka izvođenja radova, a najkasnije sedam dana prije, pismenim putem uputi obavještenje o planiranim aktivnostima Federalnoj vodoprivrednoj inspekciji u Sarajevu, kantonalnoj inspekciji za šumarstvo i kantonalnoj inspekciji za vode, JP „Komunalno" d.o.o. Breza i JKP „Vodostan" d.o.o. Ilijaš.
 - 3.3. Da u saradnji sa operaterima/korisnicima izvorišta „Mahmutovića rijeka i rijeka Misoča", JP „Komunalno" d.o.o. Breza i JKP „Vodostan" d.o.o. Ilijaš, ŠPD Zeničko-dobojskog kantona d.o.o. Zavidovići definira dinamiku provođenja aktivnosti na predmetnim radovima, vodeći računa da se aktivnosti mogu vršiti u sušnom vremenskom periodu, kako bi se izbjegala devastacija raskvašene podloge i moguće narušavanje promjene kvaliteta vode.
 - 3.4. Da u periodu neposredno prije početka radova korisnik ove vodne saglasnosti u saradnji sa predstavnicima JP „Komunalno" d.o.o. Breza i JKP „Vodostan" d.o.o. Ilijaš utvrdi trenutno stanje kvalitativno – kvantitativnog režima predmetnog izvorišta i stanja na prostoru zaštitnih zona izvorišta „Mahmutovića rijeka i rijeka Misoča" („nulto" stanje koje će se nakon obilaska terena pismeno konstatovati i zvanično potvrditi od strane korisnika/operatera izvorišta „Mahmutovića rijeka i rijeka Misoča") u cilju ostvarivanja pretpostavki za kontrolu istog tokom i nakon izvođenja predmetnih aktivnosti.

- 3.5. Da se drvena masa iz zona sanitarne zaštite izvorišta „Mahmutovića rijeka i rijeka Misoča“, do prostora izvan ovih zona transportuje korištenjem postojeće transportne infrastrukture i postojećih vlaka uz uvažavanje svih mjera navedenih u Elaboratu, a sve u cilju minimiziranja negativnih uticaja na kvalitativno – kvantitativni režim izvorišta „Mahmutovića rijeka i rijeka Misoča“.
- 3.6. Da se odabir i doznaka stabala za sječu odnosi samo i isključivo na kontrolisanu sječu u obimu i na način opisan u Elaboratu vodeći računa da se u ovom konkretnom slučaju kao najznačajnija ekološka funkcija šume tretira zaštita izvora vode za piće. Doznaku (dozvolu) za sječu treba da se vrši u prisustvu nadležnog lica iz državnog organa koji ima nadležnost čuvanja državne šume, a predstavnici operatera izvorišta „Mahmutovića rijeka i rijeka Misoča“ trebaju imati mogućnost kontrole i uvida u ovaj dio aktivnosti.
- 3.7. Ukoliko se u toku izvođenja radova registruje promjena kvaliteta voda na izvorištu „Mahmutovića rijeka i rijeka Misoča“, radove na zahtjev operatera izvorišta „Mahmutovića rijeka i rijeka Misoča“ trenutno obustaviti i utvrditi uzroke koji su doveli do promjene kvaliteta voda na izvorištu i iste prije nastavka radova otkloniti.
- 3.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom i odlukom o zonama sanitarne zaštite izvorišta „Mahmutovića rijeka i rijeka Misoča“.
- 3.9. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan bujičnih tokova i nivoa plavnih voda i na takvoj udaljenosti da ne mogu imati negativan uticaj na izvorišta vode i stalne i povremene vodotokove.
- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. Unutrašnji saobraćaj će se u toku obavljanja aktivnosti odvijati korištenjem postojeće transportne infrastrukture i postojećih vlaka koju treba popraviti i sanirati prije početka radova i dovesti u zadovoljavajuće stanje nakon izvođenja radova.
- 3.12. Tokom izvođenja radova mehanizacija i oprema koja će se koristiti u realizaciji navedenih aktivnosti ne smije ulaziti u vodotoke, osim na za to određenim prelazima, a nakon završetka radova moraju se ukloniti ostaci drveta iz korita vodotoka i zemljišnih čestica vodnog doba.
- 3.13. Neposredno nakon završetka radova neophodno je izvršiti sanaciju transportne infrastrukture, a kao mjera protiv nastanka erozionih procesa i jaružnih tokova na traktorskim putevima – vlakama, primjenjuje se poprečno izvođenje jaraka pod uglom od 30° na udaljenostima 20 – 50 m, u zavisnosti od uzdužnog nagiba.
- 3.14. U toku radova materijal – koji nastaje prilikom sječe šume i izvoza drvnih sortimenata se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Korisnik ove vodne saglasnosti se obavezuje da se u cjelosti pridržava svih mjera zabrane i ograničenja navedenih u važećoj Odluci o zonama izvorišta vode za piće „Mahmutovića rijeka i rijeka Misoča“.
5. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
7. Nadzor i kontrolu nad provođenjem kontrolisane sječe i krčenju šume u zonama sanitarne zaštite koordinirano će provoditi Federalna inspekcija za vode, kantonalne inspekcije za šumarstvo i kantonalne inspekcije za vode.

8. Ukoliko se u toku izvođenja radova na kontrolisanoj sječi i krčenju šume na prostoru zaštitnih zoni izvorišta „Mahmutovića rijeka i rijeka Misoča“ prouzrokuju štetne promjene kvalitativno – kvantitativnog režima voda i to prouzrokuje štete drugim korisnicima voda, podnosilac zahtjeva je obavezan otkloniti uzroke nastanka štete, sanirati posljedice nastale štete, a procjenjenu štetu nadoknaditi.
9. Ova vodna dozvola, shodno članu 114. stav (6) Zakona o vodama se daje sa rokom važenja od 2 (dvije) godine od dana pravosnažnosti ovog rješenja.

O b r a z l o ž e n j e

Svojim dopisom broj: 03-3599-05-2-1646/22 od 22.08.2022. godine, JP „Šumsko privredno društvo Zeničko-dobojskog kantona“ d.o.o Zavidovići, obratilo se ovoj Agenciji sa zahtjevom za izdavanje vodne saglasnosti na aktivnosti kontrolisane sječe i krčenja šume na prostoru zaštitnih zona izvorišta „Mahmutovića rijeka i rijeka Misoča“ na teritoriji općina Breza, Vareš i Ilijaš.

Uz zahtjev je dostavljena dokumentacija:

- Ovjereni kopija Aktuelnog izvoda iz sudskog registra, broj 043-0-RegZ-22-002037 izdatog 25.07.2022. godine od strane Općinskog suda u Zenici,
- Ovjereni kopija Uvjerenja o poreskoj registraciji sa identifikacionim brojem, 4218431050005 izdatog 10.11.2011. godine, od strane Federalnog ministarstva finansija- Porezna uprava- Kantonalni porezni ured Zenica,
- Ovjereni kopija obavještenja o razvrstavanju pravne osobe prema djelatnosti, broj 07-32.5-28269/16 izdatog 11.11.2016. godine od strane Federalnog zavoda za statistiku –Služba za statistiku za područje Zeničko-dobojskog kantona,
- Kopija rješenja o vodnoj saglasnosti, broj: UP-I/25-2-40-776-2/17 izdatog 03.01.2018.godine od strane „Agencije za vodno područje rijeke Save“,
- Kopija rješenja o vodnoj saglasnosti, broj: UP-I/25-2-40-052-2/20 izdatog 20.02.2020.godine od strane „Agencije za vodno područje rijeke Save“,
- Elaborat za vodnu saglasnost za aktivnosti kontrolisane sječe i krčenja šume na prostoru zaštitnih zona izvorišta Mahmutovića rijeka i vodozahvata Misoča, općina Breza, Vareš i Ilijaš, urađen jula 2022. godine od strane Zavod za vodoprivredu d.d. Sarajevo,
- Zapisnik o obilasku vodozaštitnih zona izvorišta Mahmutovića rijeka i rijeka Misoča, broj: 09-3782/22 od 26.10.2022. godine,
- Dokaz o uplati upravne takse.

U provedenom postupku utvrđene su slijedeće činjenice:

Podnosilac zahtjeva je za potrebe izrade projektne dokumentacije angažirao firmu „Zavod za vodoprivredu“ d.d. Sarajevo koja je uradila Elaborat za vodnu saglasnost za aktivnost kontrolisane sječe i krčenja šume na prostoru zaštitnih zona izvorišta Mahmutovića rijeka i vodozahvata Misoča, općina Breza, Vareš i Ilijaš.

„Zavod za vodoprivredu“ d.d. Sarajevo posjeduje ovlaštenja za izradu projektne dokumentacije broj: UP/03-19-2-759/21 od 28.02.2022. godine, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“ broj 17/08).

Projektna dokumentacija - Elaborat za vodnu saglasnost je urađen u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-285-14/14 od 25.02.2015. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetnih aktivnosti u zonama sanitarne zaštite izvorišta na stanje voda i vodni režim izvorišta „Mahmutovića rijeka i rijeka Misoča“, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 10

stav (1) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), propisani uslovi koje je investitor dužan ispuniti u toku izvođenja planiranih radova.

Podnosilac zahtjeva je uplatio upravnu taksu u iznosu od 60 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta

Roksanda Školjić, dipl.inž.građ.

Prilog: -Ovjerena projektna dokumentacija: Elaborat za vodnu saglasnost za aktivnost kontrolisane sječe i krčenja šume na prostoru zaštitnih zona izvorišta Mahmutovića rijeka i vodozahvata Misoča, općina Breza, Vareš i Ilijaš, urađen jula 2022. godine od strane „Zavoda za vodoprivredu“ d.d. Sarajevo

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP „ŠPD Zeničko-dobojskog kantona“ d.o.o Zavidovići (prilog)
Ul. Alije Izetbegovića br. 25, 72220 Zavidovići
- JP „Komunalno“ d.o.o. Breza, Ul. ZAVNOBiH-a br. 6, 71370 Breza
- JP „Vodostan“ d.o.o. Ilijaš, Ul. 126. brigade br. 60, 71380 Ilijaš
- AVP Sava – ISV Vodna knjiga
- Org.jed. 40 – Arhiva
- Oglasna ploča - AVP Sava